



Inatsisartut Suleriaasianni § 36 naapertorlugu, apeqquteqaat aallaavigalugu oqallinnissamut siunnersuut tulliuuttoq saqqummiuppara: Isumaginninnermi, ilinniartitaarnermi peqqinnissamillu isumaginnittoqarfiit silassorissusiaq atorlugu sullissisinnaanerannut Inatsisartut isumaat takorluugaallu pillugit apeqquteqaat aallaavigalugu oqallisissiaq.

(Inatsisartunut ilaasortaq Asii Chemnitz Narup, Inuit Ataqtigiit)

Naleqqamiit Oqaaseqaat:

Oqallissaarisup apeqqutit immikkoortut tallimat aallullugit oqallittoqarnissaa kissaatigimmagu apeqqutit ataasiakkaarlugit oqallissaarutit qanoq paasinninnera aallaavigalugu akiortussavakka.

Oqallissaarut siulleq ima nipeqartoq:

- *Pisortat ingerlatsivianni pisortat ingerlatsiviini Namminersorlutillu Oqartussat suliffeqarfiutaanni ullumikkut silassorissusiaq qanoq annertutigisumik atorneqarnerannik Naalackersuisut qanoq paasissutissiisinnaappat, AI-lu qanoq ukiuni aggersuni atorneqassava?*

Oqallissaarummut akissut:

Soorunami pitsaasuusaaq Naalackersuisut namminneerlutik AI pillugu qanoq paasissutissiisinnaanertik ersarissumik tamanullu ammasumik saqqummiuttassappassuk. Paasissutissiinerlu ersarissuusariaqassaaq paasiuminarlunilu pisortat ingerlatsianni aamma pisortat ingerlatsiviini kiisalu Namminersorlutillu Oqartussat suliffeqarfiutaanni silassorissusiaq kisimi paasissutissuutigiginagu tamanullu innuttaasunut ammasumik paasissutissiisutigineqartariaqartoq isumaqarpunga, tassami nunarput innuttaasuilu nunarsuarmi ineriartorneq pillugu sunut tamanut aallaqqaataaniit malinnaatinneqartarnissaat pingaaruteqarmat, pingaaruteqarluinnarlunilu paasissutissiineq kalaallisut paasiuminartuunissaa kiisalu AI atuutinneqariartuinnartussatut siunnerfigineqarpat, tassami aamma taamaattussaajumaartoq oqaatigineqarpoq nunarsuarmimi sunut tamanut malinnaatinneqarlutalu pitsaaqutinillu atuutilertitsineq pisassasoq kissaatiginartuaannarmat, AI siunnerfigineqassappat silassoriassusiaq pillugu paasissutissanut atulernissanullu pikkorissarnerit ingerlanneqartuarnissaat pingaartipparput.

Oqallissaarut tulleeq ima nipeqartoq:

- *AI-mi aarlerinaatinik sukumiisunik aarlerinaatillu taakku passunneqarnissaannut periusissiamik qanoq Naalackersuisut paasissutissiisinnaappat?*

Oqallissaarummut akissut:

Naalackersuisut qanoq paasissutissiisinnaanersut soorunami uani pissanganarpoq, Naalackersuisup Asii Chemnitz Narup paragraf 37-mi apequteqaataanut akissuminni oqaatigeerpaa isumatusaarnissaaq nalilersorneqartariaqartoq navianaataasinnaasullu appasittumeeqqaartariaqartut. Taamaammat



isumaqarpugut Naalakkersuisut AI pillugu nunarsuarmi atugaagaluttuinnarnerani aarlerinaataani malinnaalluarlutillu nunatsinnilu paasisat nutaat suunerini attuumassusilinnut innuttaasunullu malinnaatitsisinnaasariaqartut. Naqqaniit innuttaasut peqataatinneqarlutillu malinnaatinneqartariarput AI pillugu, nunatsinnilu silassorissuusialq ineriartornerulerpat innuttaasut taanna pillugu qaammaasaqarlutillu ilisimasaqarluaqqullugit.

Oqallissaarut pingajua ima nipeqartoq:

- *Pisortat ingerlatsivianni AI-p atornerqarnerani, AI-llu atornerqarnerani akunnattoorfinnut Inatsisartut qanoq isumaqarlutillu takorluugaqarpat?*

Oqallissaarummut akissut:

Akunnattoorfiit sukanerpaami passunneqartariaqassasut, paasisutissallu atornerlunneqannginnissaannut sillimmaniarnaq annertunermiittariaqassasooq, AI nunarsuarmi ineriartornera akunnattoorfiusinnaasullu pillugit pisortat ingerlatsivii malinnaatinneqarlutillu akunnattoorfiit nutaat saqqummiunneqartullu peqalerpalluunniit paasisutissanik iliuusissanillu pisortat tuniorarneqartassasut taakkulu passunneqarasuartsasut isumaqarpunga.

Oqallissaarut sisamaat ima nipeqartoq:

- *Silassorissuusialq atulerneratigut suut sipaarfiusinnaasutut periarfissaasutut Inatsisartut isigaat – akerlianillu: atulersitsinermut atatillugu aningaasartuutissat suussappat?*

Oqallissaarummut akissut:

Silassorissuusialq atulerneratigut piffissamik sipaarutaasinnaasooq oqaatigineqarpoq, suliasallu piffissap sivikitsup iluani suliarineqarsinnaallutik, tamanna tusagassiorfinni atuuttoq oqaatigineqarpoq, tusagassiorfinni nalunaarutit, imaqarniliat aamma saqqummiussasat silassorissuusialq atorlugu minutsip iluani suliarineqartarsimammata.

Piffissamilu sipaarnermi silassorissuusialq piffinni allani aamma atulersitaassappat suliasat allat sullitaq qanimut suleqatigalugu ingerlanneqarnerulersinnaasut isumaqarpugut.

Silassorissuusialq nunatsinni piffinni suliffinnilu assigiinngitsuni atulerneratigut apeqquutit takkussuullattaapput qanoq silassorissuusialq atornerqassanersoq, tassami apeqquutit ilagivaat kalaallisut, qallunaatut, tuluttut atugaassava? Tassami nakorsat nunanit allaniit nunatsinni suliaritorusuttut danske autorisation malinneqartussaammat suliarortinneqarnek ajorput, qallunaat nunaanniit akueruineqaqqaartussaagami qallunaatullu oqaatsit sapinngittussaallugillu, taanna eqqarsaatigalugu silassorissuusiami oqaatsit tuluttut aamma ilaatinneqassappata taava danske autorisation pisariaarussinnaava? Nalunngilarput sineriaq isorartuujusoq attaviillu eqqarsaatigalugit suli sineriaq tamaat attavigut assigiilernikuunngillat, silassorissuusialq atulissappat attavitigut arriitsumik attavillit nunaqarfiit illoqarfiillu qanoq siuariartoqataatinneqassappat?

Oqallissaarut tallimaat ima nipeqartoq:



- *Al atornerqarneranut periusissiamik sukumiisumik ineriartortitsinissamut Inatsisartut qanoq isumaqarpat, periusissiarlu taamaattoq immikkuualuttunik sunik imaqartariaqarpa?*

Oqallissaarummut akissut:

Silassorissuusialq pillugu naalackersuisup akissummini oqaatigaa atulissagaluarpat navianaataasinnaasut appasittumeeqqaartariaqartut kiisalu sillimmaniarnaq eqqarsaatigalugu inatsisini atuuttunik allannguisoqartariaqartoq, tamakku periusissialq suliarilinnginnernarani qulakkeeqqaartariaqartut ilagisinnaavai

Oqallissaaarisumut qujalluta taamatut oqaaseqarpunga.